

Goibekokale

ELGETA / Barikua / 2003ko urriaren 10a / 157. zenbakia

KOORDINATZAILEA: Irati Agirreazaldeggi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Semaforoak hilabetea amaitu baino lehen martxan ipiniko dituztela iragarri dute


IRATI AGIRREAZALDEGI

Herrian makina bat obra egiten ari dira azkenaldian. Nagusiak semaforoak ipintzeko lanak dira. Aurreratu digutenez, lanak hilabetea bukatu baino lehen amaituko dituzte. Bestalde, abiadura moteltzeko lorontziak jarriko dituzte Salvador kalean.

Autoen abiadura moteltzeko semaforoak herriko kaleetan ipintzeko lanak abian dira. Kaleko hainbat gune egokitu dituzte dagoeneko eta argiak aurki egongo dira prest.

Joan den astean hainbat proba egin zituzten Salvador kalean eta batek baino gehiagok galdetuko zuen lurrian jarritako kaxak zertarako diren. Bada, semafoekin batera kalearen alde banatan lorontziak jartzeko asmoa azaldu du Udalak, eta horien kokapena eta kopurua zein izan daitekeen ikusteko kaxekin egin zituzten probak.

Lorontziak ez dira espaloien gainean egongo, errepidean baizik, alde bietako espaloien kontra. Lorontziak ipintzearen helburua zera da: nahiz eta semafo-



Semafoeroez gain, lorontziak ipiniko dituzte Salvador kalean, autoen abiadura moteltzeko.

roak jarri, autoen abiadura murriztea, lorontziak oztopo izango dira eta autoendako, eta horiek ez jotzeko polikiago joan behar dute gidariek.

Hala ere, lorontzien artean hutsuneak egongo dira eta, gainera, ez dute kale guztia lorontziz beteko; izango da tartean gunerik zamaketa lanak egiteko.

SEMAFOROAK

Zehaztu barik dago lorontziak noizko ipiniko dituzten; izan ere, lehenengo semaforoak jartzeko lanak bukatu behar dituzte.

Semaforoak martxan ipinita probak egingo dituzte denbora tarteak egokitzeko

Hilabetea amaitu baino lehen martxan izango direla espero du Udalak.

Behin semaforoak ipinita, probak egin behar dute denbora tarteak egokitzeko eta semaforoak gorri edo berde noiz ipini behar duen zehazteko.

Semaforoak martxan ipini ostean, berriz, zehaztu gabeko epe bat lagako dute zelan dabil-tzan ikusteko, eta ondoren jarriko dituzte lorontziak Salvador kalean.

Bai semafoekin bai lorontziekin ere ibilgailuak herri barruan abiadura motelagoan ibiliko direla uste dute proiektuaren arduradunek; hori, behintzat, lortu gura dute neurri horiek hartuta. Gauzak horrela, gutxi gorabehera hemendik 15 egunera ikusiko ditugu emaitzak.



Tunel azpian espaloiak

Herrian zirkulazioa moteltzeko asmoz, hainbat lekutan espaloiak egiteko erabakia hartu zuten. Besteak beste, tunel azpiko alde bietan egin dituzte. Baina obrak ia amaitzean zeudela aldaketak izan dira eta berriz egin behar izan dute alde batekoa. Izan ere, espaloi ertza inklinatuta egin zuten eta horrek umen aulkitxoak pasatzea oztopatzen zuen; beraz, espaloi ertz zuzenak egiteko, aurrekoa apurtu eta berriz egiten dihardute. 15 egunean amaituko dituzte lanok./I.A.

LABUR

Ahozko ondarea jasoko dute irudi eta ahots bidez

Badihardugu Euskera Alkartiak Debarroko herrietako hizkerak ikertzen eta bultzatzen dihardu, besteak beste, ahozko ondarearen bilketa eginez. Elgetan, urriaren hasita, herriko 80 urtetik gorako hainbat lagun euskara jasoko dute irudi edo ahots bidezko grabazioetan eta lehengo dokumentuekin. Gero herritarren esku jarriko dute alderdi filologikoa lantzeko, baita lehen-go ohituren berri jakin nahi dutenendako ere.

BASERRIA

Putzu septikoetarako araudi proposamena

I.A.

Baserritarren batzordearen azken batzarrean putzu septikoen gaia izan zen nagusi. Horrez gain, baserritarren beharren berri izateko egin den galdeketa erantzunak jaso direnez, horiek zeren gainekoak izan diren esateko baliatu zuten batzarra.

Joan den astelehenean Udaleko Baserritarren batzordeak bilera egin zuen eta bertan, besteak beste, putzu septikoen gaiari buruz egin zuten berba.

Izan ere, lau edo bost urte dira azken aldiz baserrietako putzuak garbitu zirela, eta bertako zikinak ateratzeko beharra ikusi dute berriz ere. Orduan kamioi batek aldi batean guztiak txukundu

zitu. Orain, aldiz, bidaia bat baino gehiago behar dira putzu guztiak husteko; beraz, baserritarrendako kostua igo egingo litzateke. Horren aurrean Udalak ordainketaren parte batetaz arduratzea erabaki du. Gainera, putzu septikoen gaineko araudi bat egiteko proposamena egin zuten bileran. Orain arte ez dago arau zehatzik: batzuek garbitzen dituzte eta beste batzuek ez.

BASERRITARREN ESKARIAK

Bestalde, bileran baserritarrek egindako eskarien berri eman zuten. Eskari gehienak bideen konponketen gainekoak izan dira, 14, hain zuzen ere. Ur edangarriari buruzko 10 eskaera jaso dira. Gainerakoak hondakin eta euri-urei buruzkoak, postontzien gainekoak, komunikazioari



GOIENKARIA

Lau edo bost urte dira azken aldiz baserrietako putzu septikoak garbitu zituztela.

dagozkionak, bideak garbitzearen beharrari buruzkoak eta elurte- ingurukoak izan dira. Orain arte 53 eskaera-orri jaso dituzte

eta baliteke gehiago iristea Udalera. Behar guztien azterketa egingo dute, azaroaren 3an horren berri emateko.

ZUZENKETA

ERRETRATU ZAHARRA

Joan den astean *Liburu aurkezpena udaletxean* izenburupean kaleratutako argazkiaren gainean hainbat zuzenketa egin dituzte Patxi Basaurik. Batetik, liburua bera 1975ekoa bazen ere aurkezpena 1976an egin zuten. Urte hartan hartu zuen Basaurik alkate kargua. Bestetik, atzeko irudia amabirjinarena zela esan begenuen ere, Jesusen Bihotzaren irudia da. Horrez gain, beste erretratu bat ere ikus zitezkeen atzeko aldean, eta esan digutenez, Elortza apezpiku elgetararen argazkia da. Azkenik, esan, argazkiaren eskuinaldean agertzen zen gizona Jose Ignacio Carcamo dela, garai hartako Aurrezki Kutxa Muzizipaleko gizarte lanetako ordezkaria.



Udazkenarekin batera inausketa lanak hasi dituzte

Udazkenean egon arren, argazkiko hostoak ez dira berez jausi. Udaleko langileek zuhaitzetako orriak kentzen eta adarrak mozten dihardute. Udazkena heldu ahala urtero egiten dute lan hori, horrela, gero ez dituzte lurreko hostoak batu behar. Platanondoak kimatzen eta lorategietako heskaiak konpontzen asteartean hasi ziren eta datorren astean inausketa lanetan jarraituko dute./I.A.

LABUR

Nafarroa Oinez jaira joateko autobusa ipiniko dute Gazte Asanbladakoek

Datorren urriaren 19an Nafarroa Oinez jaia ospatuko da Iruneberrin. Elgetako gazte asanbladako kideek bertara joateko autobusa ipiniko dutela jakinarazi digute. Oraindik prezioa eta ordua zehazteko dagoo baina kartelen bidez emango dute horren berri. Txartelak Haizea tabernan eta Gaztetxean izango dira salgai.

Erretiratuendako ibilaldia antolatu du Erretiratuen Elkarteak urriaren 15erako

Joan zen urriaren 1ean Erretiratuen Elkarteko zuzendaritzako kideek ibilaldi bat antolatzeko erabakia hartu zuten. Ibilaldia urriaren 15ean izango da, arratsaldean, eta bidegorrian barrena Mekolalde eta Soraluze arteko bidea egingo dute erretiratuek. Irteera arratsaldeko 15:00etan izango da. Komenigarria da interesatuek lehenbailehen ematea izena Miren Villarri, urriaren 13a baino lehen.

Uriarte auzora ura eramateko obrak Gabonen aurretik hasiko direla iragarri dute

Onartu dute Uriarte auzora ura eramateko proiektua. Azaroaren hasierarako obrak norik egingo dituen erabakiko dute eta ondoren, urtea amaitu baino lehen obrak egiten hasiko direla zehaztu dute. Lanok egiten bi hilabete inguruz jardungo dute; beraz, beranduenez, martxorako Uriarte auzoan ura izango da. Hala ere, lehen fasean lau baserritara bakarrik iritsiko da ura.

SAIOA ARANZABAL MASAJEAK


ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea



- Solariuma
- Drenaje linfatikoa
- Algekin eginiko estalkia

Dei ezazu **646 50 00 29** telefonora ordua eskatzeko



Jesus Mari Montiel ITURGINTZA ETA BEROGAILUAK

Artekale 3

Mo: 656783299 Eibar

Tel: 943 70 07 19

KONPONKETAK SUKALDE ETA BAINUGELETAN

BOLATOKI

Taberna

Eguneko menua

Asteburuan menu bereziak, ospakizunak eta agur-afariak

Karta enkarguz

Artekale 2, ELGETA. 943 76 82 84

ERRETRATU ZAHARRA

BERGARA

Bergarako
txirrindulariak
Eibarren, 1944

Txirrindulari denboraldia amaitzear dago. Lokatza Ziklismo Eskolako taldeko gazteek dagoeneko gorde dituzte bizikletak. Laster helduko zaie errepidera bueltatzeko ordua.

Aspalditik txirrindulari bikainak izan dira herrian, eta horren lekuko alboan agertzen diren txirrindulariak dituzue. Argazkia 1944an dago aterata, Eibarko Untzaga plazan, amateur mailako proba baten aurretik. Tropeleko lehen lerroan txirrindulari bergarar talde bat duzue. Jantzera eta bizikletak ikusita, argi dago txirrindularitza asko aldatu dela ordutik hona...

Ezkerretik eskumara: Enrique Muguruza *Beosin*, Teodoro Agirre *Kanpaia*, ezezaguna, Sabin Elortza *Gantxei*, Dionisio Arregi *Kanpos*, ezezaguna eta Emilio Agirre *Ola*.

Enrique Muguruzak San Antonio-ko eta San Lorentzoko lasterketak irabazi zituen 1945ean.

Argazkia: Enrique Muguruza



ADI, IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATU DIRENGAUZAK

BERGARA

Munibe
plaza

Munibe plaza dagoen tokian Galarreta zapata denda egon zen 1970eko hamarkadaren erdialdera arte. Sarrera dotorea zuen dendak, argazkian ikusten den arkuak babesten zuen-eta. Denda itxi zutenean, arkuak estali egin zuten eta pareta pintadak egiteko erabiltzen zuten jendeak. *Bai Euskarari* zioen pankarta, esaterako, 1992an egin zuten. Plaza 2001ean inauguratu zuten.



≈ 1994 Gaurko Munibe plazan zegoen arkuak. Arkuak estali egin zuten Galarreta zapata denda itxi zutenean.



2003 Munibe plaza 2001ean inauguratu zuten. Lehen zegoen arkuak kendu egin zuten, harriak zenbaituta eta gordeta dauden arren.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



TALLERES ASEGUINOLAZA, S.L.

Urteaga 37 BERGARA Tel.: 943 76 12 50

Zero kilometroko autoen kopuru mugatuak: IBIZA, CORDOBA, FABIA, POLO... ZURE ZAIN DAUDE!

- VOLKSWAGEN TOURAN berria:**
- Sei aire-zaku, ABS, EDS, TCS, ESP
 - Aire girotua, zazpi eserleku, xenona, nabigazioa
 - TDi berriak; 105 eta 130 ZP
 - Sei martxa





Silvana Caviglia

HORTZ KLINIKA

10 urte hauetan gudan jarritako konfiantzagaratik,
ESKERRIK ASKO

- Odontologia orokorra
- Espezialitateak:
 - Implanteak
 - Kirurgia
 - Ortodontzia
 - Periodontzia
 - Odontopediatria
 - Endodontzia
 - Hortzen zuritzea



Nagore laguntzarilea eta Silvana dentista
Luis Carlos Mora zirujaua

ASEGURUAK

- Sermesa
- Pakea
- Grupo Eroski
- Ibersalud Globalcard
- Aegon
- Asepeyo
- Mapfre
- Fremap
- Azkaran

Simon Arrieta plaza 3, 2B Tel. 943 76 38 54 BERGARA

Ongi etorri!



PANA DE ROKUA
TATETXEAL


• Eguneko menua: 7 euro

• Plater konbinatuak, bokatak eta kazuelatxoak

• Asteburuetan menu berezia: 12 euro

• Espezialitateak: babarrun-jana eta saihetsa

SALBADOR 10 ELGETA TEL.: 943 76 82 73



Sinpletasunaren xarma.
Txikitasunean handi.



Ibargarai 36-38 BERGARA. Tel./faxes: 943 76 70 58

GIDA 04 abian!

Telefono berria jarri baduzu
edo aldatu baduzu,
deitu 943 71 23 91 zenbakira edo bidali
ondorengo helbidera:
publi@goiena.com

Gida Komertziala,
zure eskuetan!

Informazio gehiago:

943 71 23 91